

永平府志（光緒）六

永平府志卷二十九

封域志十一 紀事上

虞

舜肇十有二州以冀兗地廣始分冀東恆山之地爲并

州其東北醫無閭之地爲幽州又分青之東北遼東

等處爲營州

陸氏釋文曰十有二州謂冀兗青徐荆揚豫梁雍并幽營也時舜以冀青地廣

始分衛水西北爲并州燕以北爲幽州青州東北跨海爲營州

商

湯十有八祀三月王至東郊立禹後及古聖賢有功者

之後封孤竹等國各有差

綱鑑

（周）

惠王十有三年

齊桓公二十三年

山戎伐燕燕告急於齊齊桓

公救燕遂伐山戎至於孤竹而還

史記齊世家案國語載桓公之言曰

寡人北伐山戎刺令支斬孤竹而南歸濱海諸侯莫不來服

七國時燕築長城自造陽至襄平置上谷漁陽右北平

遼西遼東郡以拒胡

史記匈奴傳案韋昭曰造陽地名在上谷

（秦）

始皇三十二年帝東巡刻碣石門壞城郭決隄防

通鑑徐廣

日門一作盟

三十三年蒙恬斥逐匈奴收河南地築長城起臨洮至

遼東延袤萬餘里

通鑑綱目

二世元年帝東行到碣石並海南至會稽而還

通鑑案秦本紀

二世東行盡刻始皇所立刻石石旁著大臣從者名以章先帝成功盛德焉

漢

高帝十二年封搖母餘爲海陽侯

史記功臣侯年表

武帝元朔元年秋匈奴入遼西殺太守

漢書本紀案漢書匈奴傳匈奴

二萬騎入漢殺遼西太守略二千餘人又敗漁陽太守軍千餘人圍將軍安國韓安國傳安國爲材官將軍屯漁陽捕生口虜言匈奴遠去即上言方佃作時請且罷屯罷屯月餘匈奴大入上谷漁陽安國壁乃有七百餘人出與戰安國傷入壁匈奴虜略千餘人及畜產去上怒使使責讓安國徙益東屯右北平

五年春令大行李恩岸頭侯張次公爲將軍出右北平

擊匈奴

史記霍去病傳

元狩二年夏匈奴入鴈門遣衛尉張騫郎中令李廣皆

出右北平廣殺匈奴三千餘人盡亡其軍

漢書本紀

三年匈奴入右北平殺略千餘人

漢書本紀

四年春驃騎將軍霍去病出右北平二千餘里擊匈奴

所斬捕功多上以五千八百戶益封驃騎將軍右北

平太守路博德等四人爲列侯

漢書霍去病傳

元封元年夏上東巡海上至碣石自遼西歷北邊

漢書本紀

太初二年帝擊破匈奴左地徙烏桓於上谷漁陽右北

平遼西遼東五郡塞外偵察匈奴動靜於是始置護

烏桓校尉

漢書本紀案後漢書所載有遼東烏桓遼西烏桓右北平烏桓漁陽烏桓上谷烏桓

之別而鮮卑亦復有遼東遼西等名則漠南之地其疆圉分合雖不可考要其爲二部之錯居也久矣

後漢

光武帝建武元年夏遣耿弇與吳漢景丹等十三將軍

追賊至潞東及平谷斬首萬三千餘級遂窮追於右

北平無終土垠之間至浚靡而還

後漢書耿弇傳案註云浚靡縣名屬

右北平故城在今漁陽縣北

二年春漁陽太守彭寵反攻拔右北平數縣

後漢書彭寵傳

二十五年春正月遼東徼外貊人寇右北平遼東太守

祭彤招降之

後漢書本紀案東夷傳二十五年寇右北平者即句驪也

是歲遼西

烏桓大人郝旦等九百二十二人詣闕朝貢封其渠帥爲侯王君長者八十一人皆居塞內布於緣邊諸

郡烏桓傳

和帝永元九年秋八月鮮卑寇肥如

後漢書本紀案註云肥如縣屬遼西

郡前書音義曰肥子奔燕封於此今平州也

十三年冬十一月鮮卑寇右北平

後漢書本紀

元興元年遼東貊人反鈔六縣發上谷漁陽右北平遼

西烏桓兵討之

後漢書天文志

安帝永初三年夏漁陽烏桓與右北平胡千餘寇代郡

上谷

後漢書烏桓傳

元初四年春二月己巳鮮卑寇遼西遼西郡兵與烏桓

擊破之

後漢書本紀案註云遼西郡故城在今平州東陽樂城是又案後漢書鮮卑傳元初四年

遼西鮮卑連休等燒塞門寇百姓

永甯元年冬十二月遼西鮮卑降

後漢書本紀案後漢書鮮卑傳永甯元年

遼西鮮卑大人烏倫其至韃率衆詣鄧遵降奉貢獻詔封烏倫爲率衆王其至韃爲率衆侯建光元年秋其至韃復叛累殺郡守控弦數萬騎後其至韃死鮮卑抄盜差稀

桓帝延熹九年夏六月南匈奴及烏桓鮮卑寇緣邊九

郡後漢書本紀案鮮卑傳云桓帝時鮮卑檀石槐者郡勇健有智略部落畏服自分其地爲三部從右北平以東至遼東接扶餘濊貊二十餘邑爲東部從右北平以西上谷十餘邑爲中部從上谷以西至燉煌烏孫二十餘邑爲西部各置大人主領之

靈帝熹平六年冬十二月鮮卑寇遼西

後漢書本紀案烏桓傳靈帝初

烏桓大人遼西有卬力居者衆五千餘落自稱王右北平烏延衆八百餘落自稱汗魯王並勇健而多計策

中平四年夏六月漁陽人張純與同郡張舉舉兵叛攻

殺右北平太守劉政等衆至十餘萬屯肥如

後漢書本紀及

劉虞傳案烏桓傳中平四年前中山太守張純畔入卬力居衆中自稱彌天安定王遂爲諸郡烏桓元帥寇掠青徐幽冀四州

五年冬十一月公孫瓚與張純戰於石門大破之瓚深

入無繼反爲卬力居等所圍於遼西管子城二百餘

日士卒死者十有五六虜亦饑困遠走柳城

後漢書本紀及

公孫瓚傳案公孫瓚傳註石
門山名在今營州柳城西南

六年春三月幽州牧劉虞購斬漁陽賊張純後漢書本紀

獻帝興平二年右北平殺公孫瓚所置長吏與劉虞從

事鮮于輔及虞子和兵合後漢書公孫瓚傳

建安十年春袁熙袁尚爲其將焦觸張南所攻奔遼西

烏桓後漢書袁紹傳

十二年秋八月曹操征遼西擊烏桓大破蹋頓於柳城

斬之袁尚袁熙與樓班烏延等皆奔遼東遼東太守

公孫康並斬送之其餘衆萬餘落悉徙居中國後漢書本

紀及袁紹傳烏桓傳本紀註云蹋頓匈奴王號案後漢書烏桓傳獻帝初平中即力居死子樓班年少從

紀事上

子蹋頓有武略代立總攝三郡謂遼西烏桓右北平
烏桓遼東屬國烏桓衆皆從其號令建安初冀州牧
袁紹與前將軍公孫瓚相持不決蹋頓遣使詣紹求
和親遂遣兵助擊又案三國志魏武帝紀三郡烏丸
承天下亂破幽州略有漢民合十餘萬戶袁紹皆立
其酋豪爲單于以家人子爲已女妻焉遼西單于蹋
頓尤強爲紹所厚故尙
兄弟歸之烏丸卽烏桓

魏

明帝景初元年秋七月公孫淵反幽州刺史母卽儉進
軍討之右北平烏丸單于寇婁敦遼西烏丸都督王

護留等居遼東率部衆隨儉內附

三國志

二年春正月詔太尉司馬懿帥衆討遼東

三國志進師經

孤竹越碣石次於遼水

晉書宣
帝紀

晉

武帝太康二年冬十一月鮮卑寇遼西平州刺史鮮于

嬰討破之

晉書本紀

五年慕容廆入寇遼西帝遣幽州諸軍討之戰於肥如

廆衆大敗

十六國春秋前燕錄案舊志作六年誤

惠帝太安二年冬十一月封鮮卑段務勿廆爲遼西公

晉本紀案魏書徒河段就六眷本出於遼西其伯祖日陸眷因亂被賣爲漁陽烏丸太庫儔官家奴其後漁陽大饑庫辱官以日陸眷爲健使將之詣遼西逐食招誘亡叛遂至彊盛日陸眷死弟乞珍代立乞珍死子務勿廆代立即就六眷父也據有遼西之地而臣於晉其所統三萬餘家控弦上馬四五萬騎晉穆帝幽州刺史王浚以段氏數爲已用深德之乃表封務勿廆爲遼西公假大單于印綬○目廆即勿廆魏

書作穆帝時與
晉書異應誤

愍帝建興元年慕容廆攻段疾陸眷

案其時段氏當已遷於令支取

徒河新城至陽樂時中國流民歸廆者數萬家廆乃

立郡以統流民冀州人爲冀陽郡豫州人爲成周郡

青州人爲營卽郡

水經註淪水南流經營卽城西南入於海

并州人爲唐

國郡

前燕錄

東晉

元帝大興元年春正月遼西公疾陸眷卒其子幼叔父

截附眞自立爲單于

晉本紀

永昌元年慕容廆遣其世子皝襲段末柸入令支掠其

居民千餘家而還

前燕錄

明帝太甯三年冬段牙謀去令支國人不樂段遼以徙

都爲牙罪率國人攻牙殺之自立

前燕錄案魏書遼作護遼烈帝時假

護遼驃騎大將軍幽州刺史大單于北平公弟鬱蘭撫軍將軍冀州刺史渤海公

成帝咸康四年

後趙建武四年

春正月石虎伐鮮卑段遼於遼

西遼率妻子宗族豪大千餘家棄令支奔密雲山虎

入令支遷其戶二萬餘於司兗雍豫四州士大夫之

有才行者皆擢敘之夏四月虎謀伐昌黎遣渡遼將

軍曹伏將青州之眾渡海戍蹋頓城無水而還因戍

於海島運穀三百萬斛以給之又以船二百艘運穀

三十萬斛詣高句驪使典農中郎將王典率衆萬餘

屯田海濱掠緣海諸縣

後趙錄案前燕錄是年正月

期虎將擊段遼募驍勇者三萬餘人悉拜龍騰中郎帥舟師十萬步騎七萬伐之三月趙槃還至棘城皝引兵攻掠令支以北諸城段遼遣弟蘭來拒大戰敗之斬級數千掠五千餘戶及畜產萬計以歸五月虎入令支怒皝之不會師先攻段遼而自專其利帥衆來伐蘭魏書作鬱蘭

五年

後趙建武五年

夏四月燕遣別將攻遼西俘獲數千家而

去冬十月以撫軍將軍李農爲使持節監遼西北平

諸軍事征東將軍營州牧鎮令支虎以遼西近燕境

數遭攻襲乃徙其民於冀州之南

後趙錄

六年

後趙建武六年

春二月虎將石成與慕容皝戰於遼西大

敗引歸秋九月虎將討慕容皝命司冀青徐幽并雍

七州兼復之家五丁取三四丁取二合鄴城舊軍滿

五十萬具船萬艘自河通海運穀千一百萬斛於樂

安城

卽今樂亭縣

以供軍征之用徙遼西北平漁陽萬餘

戶於兗豫雍洛四州之地自幽州以東至白狼大興

屯田括取民馬得四萬餘匹大閱於曜武場冬十月

皝入自蠕蠕塞戍將當道者皆斬之

後趙錄

康帝建元二年

後趙建武十年

秋九月虎命段蘭帥所部鮮卑

五千人屯令支

後趙錄

穆帝永和元年

後趙建武十一年

冬十二月虎使征東將軍鄧